

HEINRICI PANTALEONIS DE VIRIS
 GEORGIUS SIMLERVS VVIMPINENSIS.



GEorgius Vuimpinensis à pueris bonis literis operam dedit, atq; Iohanne Reuchlino præceptore usus artium fundamenta feliciter iecit. In primis autem Græcæ linguæ diligenter incubuit, atq; eius præclaram notitiam sibi comparauit. Scripsit is commentarium non indoctum in Comœdiam Reuchlini, quæ Sergius uel Capitis caput inscribitur, atq; anno 1508 Pforçę edidit. deinde quoque obseruationes de arte Grammatica. Item de literis Græcis & diphtongis, quemadmodũ ad nos ueniant, cum multis alijs huiusmodi. Hac ratione cum Simlerus pergeret, omnibus doctis passim innotuit, atq; ob præclaram (pro eius temporis ratione) eruditionem cunctis bonis gratissimus fuit. Con. Lycost. in Biblioth.